



89831

李了希奏奉

特恩挑選縣令分發滇南同人作萬里宦遊

屬音題詩因寓規意蓋頌則無待言也

皇帝詔曰爾多士連年抑塞多沈淪

特恩下頒大選擢四海駢集春明門李了十年富才

茂躡迂拉腐氣奔浩乘時應運竟躡麟一麾乃出

廣南道雲津吐落青蹀高六詔風塵萬里遙比明

浪湧絲恆灰點蒼崎碧花懸駭過薄瓦處生泉觀

年來緝捕始安定君行定得爾隨車還宣教化

民命長卿昔勅西南夷不類王褒祀碧雞惟清廉

崇雅堂詩藻卷四

慎錄

天子莫負知已丹青題

毛富言兩歸檢校竹香書屋賦詩二首屬

和韻次其韻

風塵此暫息補屋乃殊忙豈獨沈幽勝懸知愛日

長舊曾題鳳尾新已長都梁曉起承歡暇依然詩

滿床

余亦歸無幾登堂兩不嫌離情憐歲久詩思入秋

嚴花發重呼酒天開莫放簾因需還得珍素履共

君占

以安民教養
為勸諭言得
大體

和李子春日書懷二首

花掩苔垣柳掩扉。賦閒風景自依依。詩成北郭離
愁少。枕倚南窓客夢稀。課弟尚思搜橐簡。承歡肯
悔卸征衣。三年猶記關山道。長送春雲海國飛。

少年意興豈全消。何事山林特見招。未遂鯢魚騰
北溟。且從學海導南條。茫茫時命愁磨竭。滾滾才
名看續貂。濁酒正思澆硯礪。春風春雨又瀟瀟。

秋夜同毛宿亭王石華陸沁雪王鴈湖周

白於曹可堂題晉代七賢圖分得衛叔

寶羊車入市

崇雅堂詩藁卷四

三

羽騎接浮雲。夾道羊車入。云是洗馬來。英聲動六
合。炯若珠夜光。朗然眩雙曉。又若荆山珍。瑩粹中
不雜。初爲祖龍音。隨使舅濟懾。貌麗神復清。萬夫
自目眩。平生闡微言。大義尤自執。囑兄勉在二。扶
母謝塵劫。一識王豫章。掉首返建業。爵爵登祁門。
觀者四屏列。乃嘆玉潤姿。亦復介石協。慎毋見此
圖。獨羨丰采睡。

遣興

兩。年。歸。計。又。如。此。自。笑。半。生。何。所。求。奔。走。數。千。百。
里。路。浮。沉。三。十。五。春。秋。杜。陵。無。計。餐。鸞。鳳。莊。子。從。

論古人得其
要

呼作馬牛。投筆是癡。依稼拙。漫思破浪。更乘舟。
面目依然似大愚。浮雲世態。慣相殊。陳登湖海。其
豪士。杜甫乾坤一腐儒。放浪形骸。空任達。挽困風
教。要存迂。一寒至此。原非病。年少何勞。更嘆吁。
向來踪跡。等浮蘋。補屋牽蘿。近有因。出處自應關
定數。饑寒從不累。竒人守株待兔。原難事。立地擎
天。要此身。除是茅容雞饌具。更無愁色。到清貧。

鄉行

衝寒也。自學催租。三日移舟。傍荻蘆。蕭瑟西風吹。
獨樹蒼涼。茅屋帶荒途。登塲禾稼。歡雞犬。辛歲心。
崇雅堂詩藁卷四

四

種菊

曉起適幽興。攜鋤向菊疇。罷懷千古事。獨種一籬
秋。晚節緣培植。移尊待放遊。更須誅惡草。臭味本

薰蕕。

移竹

心識此君趣。移來對月盟。數竿歸曲檻。盡日起秋
聲。節豈初栽減。枝應隔歲榮。待看成蔭後。鸞鳳此
和鳴。

曝背

寒色靜茅屋。深林曉日紅。偶憑羲御煖。不羨地爐烘。天地和光洩。冰霜瑞氣融。君王信可獻。還與萬方同。

喜陸四沁雪南歸

鵲噪聲中聽款扉。故人面目是耶非。平生俠氣慚朱亥。千里離愁見陸機。袖出長篇才更老。衣翻短褐淚交揮。天涯尚有毛公在。聞向邯鄲夢六師。四時

移居後陸沁雪李蜀亭以詩見寄

之

崇雅堂詩藁卷四

五

無端毀室漫愁予。卜宅匆匆傍歲除。半載風光滄雀角。三椽草屋寄鳩居。新詩點綴勞名士。社業飄零憶舊廬。獨喜此間春正好。花前安穩卷添興。

題顧織簾先生晚望圖

閉來晚望望何窮。落日天高想漸鴻。寰海書城餘破壁。石林蘆屋靜秋風。百年名士推徐穉。滿座交遊憶孔融。指點畫圖煙景好。依稀猶識舊墻東。儀漸鴻織簾居題句也。今尚存。又先生自題句云。蘆屋三秋靜。書城四海通。

秋聲

漫天蕭瑟響高空。幾度荒寒到曲櫺。萬籟摠應關

節序一聲知老幾英雄雲鴻夜嗽吳江月寒馬秋
驕冀北風濁酒漫酣依戶聽更無情緒是哀蟲

燈丐行

木則有本水有源此意今人棄如上怪爾甃者何
爲來居楊家橋字張五天別其足代以手用違其
意意不迂日嗽嗽乞於市中能使哀憐到貧賈道
旁見者問之詳泣曰丐貧丐有姥丐有姥兮無可
養丐惟乞兮進二舖足蹇偏憂親欲饑風寒不敢
自言苦有夜行者從東來驚聞其聲矚其戶一燈
熒熒四壁寒歌呼猶作嬰兒舞嗚呼斯世孰無親
崇雅堂詩藁卷四

六

融融色養吾誰覩請君讀我燈丐行清夜能無汗
如雨

題趙雲江圓笠圖

少年作詩壯作畫筆花爛熳墨澎湃少學詩畫老
學禪一輪皓月當中天玉魄金精照天地雲淨不
着纖翳蔽翁心皎皎與月同視身外物皆成空六
十年來內養力詩情畫癖并已息自謂身從太極
來仍以此身歸太極幅巾鶴髮趺坐閒放筆口賦
真容顏有時乘興遊五嶽置身還在畫圖間

題槐陰把卷圖

綠雲萬萬天風送。長槐碧影參差動。炎歊不入深
山深。獨坐開編自吟誦。世上何人不讀書。讀書要
當避喧閤。不然聞見皆俗塵。心安得與古人共。古
來幾人能讀書。讀書要爲立身用。不然出處俱錯
然。句偷字拾空。該綜披君此圖風景佳。知君好尚
特殊衆。行當常見義皇人。無心更作南柯夢。

題採芝圖

披圖貌蒼古。服食經幾年。獨携長柄鋤。力健如飛
仙。有芝便采采。凌風上層巔。霞氣淡林薄。古木含
蒼烟。有若商山老。放歌雲外天。樵夫忽相遇。招飲
崇雅堂。詩藁卷四

七

蓬萊間

借書

放眼思千古。無書氣不豪。倘能移蠹簡。何啻贈綵
袍。再乞桓譚語。曾還屈子騷。與君同愛惜。勿慮紙
生毛。

曹可堂南歸喜而有作

訛傳十日駭生愁。今日相看淚始收。并異杜陵逢

飯顛

較北上時
容益豐厚

真同蘇軾在黃州。縱橫氣概還吾

輩。反覆波瀾任俗流。對酒論詩且快意。敝衣莫更

嘆貂裘。

聚菊在書看
人
審多少得意

贈崇川董補之

何者真名士。如君始絕倫。眼中無俗客。海外一詩人。共恨相知晚。雄談日夜頻。酒酣偏愛我。慷慨話經綸。

折桂閣懷古

叢臺歌館紛飄搖。折桂古閣凌雲霄。白龍潭邊拔地起。使我懷古心迢迢。伊昔右文謫此地。誕生伯紀真人豪。台星墮地光十丈。天使英傑扶衰朝。嗚呼比宋靖康末。廟堂接迹巢鴟梟。六賊盈廷事顛倒。黃塵蔽日風蕭騷。堂堂李公大經濟。隻手誓挽崇雅堂詩藁卷四

八

狂波濤。一木豈能支大厦。盤根錯節身其勞。羣奸挾主竟南渡。力諫不聽徒悲號。建炎國勢似厝火。整飭綱紀揮羣蠹。七十七日真宰相。若創雲構思堅牢。爲國梁棟國楨幹。嗚張讒口旋嗷嗷。恢復志賈才未盡。英雄有恨何時消。迄今事去一千載。閣前碑版埋蓬蒿。行人指點問遺跡。秋風萬斛寒香飄。

通旨議論折
仕只一點格
刀極高

題沈恬哉荷淨納涼圖

沈公逸興天下無。匡廬山人毛羅爲作圖。圖中寫意不寫貌。勝景宛若來西湖。羣岩萬壑自東下。嵐

氣欲濕雲平。鋪陽居大夏。草木茂。譬若盛世光。
華敷。別有一溪似茗雪。霞光着水花。扶疎花邊有
亭亭有客。拍手逕把恬哉呼。香風入懷意。瀟灑臨
流似欲歌。烏鳥自言四載風塵誤。歸來作意滄江
寤。此心不受炎氣蒸。作圖爲寄溪山慕。余笑而起
謂已非。百歲居諸如電露。山林鐘鼎本無常。煙雲
供養隨朝暮。羨君傳世係清門。文采翩翩誰比數。
小隱寧投北闕書。高才詎老南山霧。蓮葉東西看
躍鱗。指點雲霄是征路。丈夫意氣不可刪。誰能附
熟低容顏。不見謝安名未起。有時携妓向東山。乘
崇雅堂詩藁卷四

九

種樹

新種櫻桃樹。累累多含英。園夫摘除盡。叩之殊不
平。謂君久讀書。此理何弗明。樹得天地氣。時時實
充盈。根幹一移動。得毋搖其精。摘藥使勿放。氣復
根乃生。種樹計十年。豈務頃刻榮。余聞覺深悟。斯
語乃至情。浮華圖旦夕。萬事知無成。

梅樹

連下首俱小
止見大寓意
清透

盆中小梅樹。屈曲枝半凋。隣其久局脊。移植書堂
均。當春葉敷榮。轉眼抽新條。我行爲飢驅。別樹四
載遙。歸來記手植。其高欲凌霄。槎枒紛莫剪。繁英
正繁梢。以知萬物性。所忌在屈撓。要惟根柢固。更
使五幹標。俾得返自然。乃爾生意饒。梅兮不負人。
三杯對花澆。對花復念我。感慨何時消。

庚秋雜詩

蒼茫海色起秋風。倦客驚秋萬感叢。草木變衰隨
節序。年華虛擲誤英雄。守株待兔真成幻。夢鹿藏
蕉總是空。懷古枉思希稷契。長轡托命杜陵窮。

崇雅堂詩藁卷四

十

此心肯許白鷗雙。底事三秋戀瑣窻。昨夜夢魂飛
白下。片帆風月過長江。馬周浪迹才終達。祖遜先
鞭氣未降。况是讀書慈望切。一番辜負課殘缸。

狂風驀地捲秋梧。翻覆人情看畏途。片片幻雲和
霧起。聲聲怪鳥隔林呼。未妨俗累真名士。若受人
憐。不丈夫。獨嘆青蠅污白壁。故交亦復類張弧。

窮愁忽忽想仙儕。頃刻心猿到玉階。平地白雲飛
赤斧。青天黃鶴跨洪崖。三神山近風隨却。九轉丹
成骨已埋。服食餐霞傳異術。幾人跋步上天街。

芒寒寶劍匣曾開。匹馬西登郭隗臺。萬里長風江

水濶一腔竒氣太行來慣從豪俠披雄胆長揖公卿侍薄才無那望雲心更切南歸重染俗塵埃
羨他收穫及秋辰勞苦都忘歷夏春白酒黃鷄酬社蚤紅蓮香稻納倉新老妻勸作歸田計慈母終期上國賓負郭况教堪種耨何緣九食過三旬
洛陽大賈氣如雲寶馬金韉迥出羣滿座酒徒鷄語雜兩行珠袖麝蘭薰權衡子母誇多術推魯詩書笑不文欲就執鞭爲富計天教骨相若曹分
一身無着畏秋寒獨上城樓散恨端虞領北來雲渺渺海天東望水漫漫序經落木悲涼易人到空
崇雅堂詩藁卷四
十一

囊出處難就挽滄江作桑落也應心事似迴灘

更隨秋色步禪關瞥見亭亭老鶴閑顧影似憐羈健翻凌風欲舉憶蓬山生來神駿空塵俗有日扶搖任往還長唳一聲懷鳳侶離愁類我不堪刪

一聲涼雁叫秋煙萬里離情到眼前慷慨缺歌南

粵嶺三兄蕭騷霜髻洛陽天大兄苦將門戶音重

寄春前信歸有誰料文章命不全莫道劉蕢同放

斥無端雀角誤相纏

及歸荆樹已旋凋回首辭家恨未消余自壬午出門至乙冬南

歸七弟輿載去滄澗晨餐勞爾潔余出門後風霜世已經半月賴弟奉親

病骨竟難調。對親未敢舒長慟。含淚曾經賦大招。
聞道當時魂已斷。愛兒猶望步雲霄。余時應試燕京弟臨逝盼
望捷音

風塵倦鳥乍歸巢。太息侯嬴已故交。介眉亦於散
客門廬知噪雀。嘔心詞賦憶騰蛟。逢場結納傾肝
膽。大度容人異斗筭。累我觸藩今日事。如君若在
定荒包。

平生知己數西河。廿載詞壇共醉歌。明月清樽辭
茂苑。長空秋雁落滹沱。向來文翰詞壇貴。聞道丹
青秘閣多。羅照工丹青迴首卽看天步坦。可應憐我

崇雅堂詩藁卷四
特蹉跎

士

曹公氣象更堂堂。管鮑交情耐久長。一自音容懸
兩地。請看煙景又重陽。邯鄲花月盧生夢。參佐風
流謝眺狂。醉把茱萸若憶我。暮天修竹倚微涼。

注杏江招同王存塘王秋樵王雁湖王藕

夫集平遠閣分韻

拂雲樓觀倚雲汀。卷幔湖山十里青。綸閣文章天

北極。平泉花木地東溟。時持齋先生任內閣學士弁中絕業

聯今雨。杯底狂歌動列星。不是韋郎清興好。誰從

高處共談經。

雄壯語妙在
得體而切
見識高隨題
各有布置

擬謝康樂登江中孤嶼

薄遊寄新賞。方舟越江旋。衆美迭暎蔚。孤峰獨招延。貪幽詣絕壑。澄懷遡晴川。林影亂岩翠。波光浴雲鮮。址得易爲適。境與難具傳。投弦悟物化。觀空息塵緣。庶邀吹笙客。遐契共千年。

崇雅軒新竹

道人愛竹如子猷。去年割取湘山秋。阿香乘春轉地軸。蒼崖迸出雙飛虬。嫩籜漸抽葉漸翠。十日薰風媚幽砌。入檻徐聞嘯雨聲。垂簷便挾梢雲勢。朝來護根手擁泥。培植好待鸞鳳栖。更邀才人共作崇雅堂詩藁卷四

三

賦賞此月下陰初。齊牆根榆柳亦成蔭。紛紛薄植經秋非。直節凌冬世僅見。此君是我心相知。

銅雀瓦硯歌

王秋樵齋諸公同賦

注萬卷書畫萬幅。貯硯要須美如玉。舍人有硯銅雀遺。四座客來炫雙目。建安兩字銘厥背。色潤質蒼似新浴。深溝一勺水凝寒。疑有妖蛟千載伏。伊昔炎運嗟告徂。阿瞞乘時肆反覆。單手刀竊天王戈。單手刀曹操自謂初起。紹述權表爭驅逐。逐北歸來意氣驕。高臺特創漳河曲。區區一瓦埏埴工。鴛翼魚鱗恣侈欲。突兀宏規過未央。日擁蛾眉舞

一推一宕一頓一折極才人之能事

波致橫生

才氣雄肆直擬竹垞而用意運筆清縉緊密則直邁之

收法緊嚴

華屋豈知三馬忽同槽登臺莫望西陵哭畫棟飛
夢轉眼灰零磚敗甃通衢鬻一經好事為雕鐫案
頭却愛殘雲綠吾聞升菴昔有言宋人購此已不

足香姜閣瓦頗復同真贋古今誰辨駁何況更歷
千百年君焉得此誇吾屬楊慎外集謂曹操閣瓦不可復得宋人所求皆

高歡避暑宮冰縱有何如玉帶生忠魂墨氣光天
井臺香姜閣瓦縱有何如玉帶生忠魂墨氣光天

燭或者轉出甘泉宮近時有人拾遺璞吾家竹垞
及見之長歌磊落猶堪讀不然竟是汾河泥亦費

良工苦心琢一種方員漚濶多錫名誤為銅臺辱
請君攜入鳳凰池鴻文兩漢班揚續東觀遺論豈

崇雅堂詩藁卷四
足憑羽陽不朽堪同錄莫學東坡銘發邱坐使寶
物遭輕瀆東坡銘銅雀瓦視云遇發邱將復為麟

然朽腐不可用漁隱叢語謂秦武公羽陽宮瓦更古全不朽腐
王拈花先生出視學滇蜀二圖屬題卽席

賦呈
點蒼春色錦城秋兩度關山化雨周宦迹已隨琴
鶴返

君恩長共畫圖留冰綃展盡鴻文麗圖後多名玉軸
傳來燕翼謀圖藏存塘二兄處今日攜尊吟別墅還應繪

作輞川遊

遠志軒觀趙文敏琴譜墨跡

松雪道人書法道。編葦琴譜貽千秋。首析宮商徵羽角。次論勒托吟猱勾。曰况曰祝曰九弄。以意運法天為遊。側指鳳鳴輪指蟹。風入長松韻瀟灑。研精合撰契皇虞。開編融融字。字楷雅弄微茫世孰傳。俗手大半琵琶弦。生為王孫足幽興。搵筆論古寧非賢。憶昔妖歌起江甸。風黑沙飛下白鴈。南渡江山入破來。西湖絲管商音變。是時王孫對仲姬。一曲秋鴻淚如霰。避地渾疑王逸人。將毋作譜傳幽怨。抑為才多惜此身。自矜絕調到王門。玉堂清

接法妙

崇雅堂詩藁卷四

五

接法妙

暇閒揮翰故寫瑤徽炫。後人翰林承旨直學士。禾黍茫茫故鄉事。淚經銅狄可沾襟。手抱雷威更作字。何似長歌歸去來。無弦琴識陶潛志。歸去來詞亦見琴譜又子昂曾題歸去來圖詩

題畫八首

江貫道重林懸瀑

連峰接翠松杉暎。百道飛泉掛秋磴。泉聲颯沓風雨涼。豁盡塵囂見心鏡。十年不到香鑪巔。時時夢落潯陽船。匡山自有讀書處。對此逕欲呼青蓮。

用筆圖勁道
遠神味獨超
未以淵明無
弦琴為詠諷
與松雪情事
何等真切有
味視牧抵落
盡蘇卿節用
意真是霄壤

宋孟辨層雲出岫

宋是類圖幾
于圖所不到

山半出雲雲半山山光雲影冲融間模糊煙樹露
一角欲動不動浮春鬢天台窈窕峩峩媚菑北高峯
上吾曾見乘興還當一葉舟飽看天機卧飛觀

一
笑而
巨然松風傑閣

眼界忽開心忽洗凌江高閣松陰裏松風萬壑天
宇涼隔岸青山暮鴉起挈伴者誰度短橋緣巖捫
壁尋松濤披襟一攬浩無際輕帆十幅懸秋潮

白門山
吳仲圭秋山隱居

爽氣豁天山影綠樹樹秋光滿崖谷中有一人不
世情萬壑千巖媚幽獨草色上階竹徑深一往并
崇雅堂詩藁卷四
去

絕羊求尋淮南桂花籬下菊千載以上留知心

白門山
趙令穰江干暮泊

白門山色瓜州渡春風綠遍江南路沙草連天隱
落帆斜陽一片荒江暮碧樹忝差雲水昏人家雞
犬岸旁村桃花源水天涯是何處漁郎更開津

一溪兩
王紱秋林覓句

一溪兩溪楓樹林十里五里尋詩路小橋流水碧
潺潺獨立荒煙看秋鶩美人興落黃葉西信步拈
得新詩題回薄萬象歸天倪白雲淡淡秋山低

山半出
徐賁林亭霽色

歸遠

瀟雲乍卷秋影低。蕭蕭黃葉煙中飛。修竹暗垂苔
徑滑。天光忽展空亭西。陰闔陽舒果誰主。萬物有
情各自與浩浩。竒功斂希夷。吾欲繪之在何許。

郭恕先春山積雪

白蓮花開向空笑。寒色滿空山。意峭素影又拖西
閣雲。日華已就東峰照。斷橋流水野樹新。諦視頗
有。幸梅人。吾欲從之玉山行。仰天一笑歌陽春。

杏江屬題王石谷山水毛宿亭同賦

杏江齋頭畫萬軸。素壁朝懸王石谷。云是昔年遺
贈公。好手平生第一幅。君家贈公六法竒。濡染大

崇雅堂詩藁卷四

七

筆真淋漓。奕世聲華動。

宸鑒工妙不許常人知。當時最與石谷好。意匠經營

接拍之妙氣
局之妙直當
於古人中求
之

互顛倒。羣山萬壑腕底騰。精氣欲出造化表。此圖
掃却千畫工。直擬米老貽蘇公。瀑布噴落丹嶂雨。
樹木搖動蒼崖風。墨痕乍洒泣山鬼。筆力所到開
鴻蒙。乃知能事總爲知己盡。一技雖小精神通。嗚
呼一技雖小精神通。人生知己豈易逢。

題吳石亭柳陰觀稼圖小照

石亭山陰縣
人大同縣令

余客山石時
曾爲贖主

風卷晴絲水卷烟。一溪楊柳半溪田。河陽面目吾

曾識回首栽花已十年

幾歷風光說鑑湖

素有同遊鑑湖之約

春風披拂見新圖

清時方藉桑麻長雅意何年得遂無

石亭去世後伊嗣敬之來取圖又題付之

蒼茫題句墨猶新。驀向圖中認故人。撫字心勤老

邊地幾曾歸賞鑑湖春

相逢曾記十年前。回首音容一泫然。賦得大怡怡

令嗣克家堪與慰重泉

敬之名永清余契弟庚寅孝廉

同汪杏江孝廉遊南園訪王竹娛

獨坐意不慙。出門敞幽性。攜我素心人。共踏城南

崇雅堂詩藁卷四

大

徑野色寒蒼然。屐豁秋興木。落霜影峭風高雁

飛勁心與造化俱。日極天宇淨。天香忽飛來。名園

桂方盛。樓閣瞰長空。窈高夕陽映。古木捲廻溪。幽

人倚孤磴。貪竒路無紆。延坐景益勝。萬象紛林趨

衆響虛室應。元賞非識知。高懷互談證

送沈子用舉赴上黨幕聘二首

黑雲起邊色。餓鴟叫空桑。白日淡將夕。臨風酌離

觴。問君欲何之。襍被登太行。同輩賦壯遊。余心獨

徬徨。馬周昔浪迹。風景今未忘。初入并州道。旋出

盤陀岡。高秋八九月。行人慄冰霜。雪花大如席。飛

又是
一種手
筆

形勢道路風
俗隨地留心
具見胸中經
緯

流襟頓挫

來襲行裝。上黨古形勝。登高浩茫茫。其東瞰河洛。
其西走平陽。其民守襟襖。其俗尚剛強。地曠市物
減。邑里時荒涼。道路雜人鬼。山魃立枯楊。自非饑
所驅。曷爲滯此鄉。君今厭守拙。衝寒入巖疆。所投
非所好。作計當自量。誠哉不得已。云醫眼前瘡。
昔我敬亭師。君之老從叔。山岳鍾靈秀。聲名起寒
谷。道以疏水超。文躡韓杜躅。中歲志四方。風塵苦
奔逐。魂招湘山寒。裘敝燕山麓。一朝登廟堂。經
綸濟時足。及歸東山卧。賤子倚陶淑。顯晦固有時。
軌方行無辱。緬懷學易堂。諄訓今佩服。蕭蕭西北
崇雅堂詩藁卷四
九

風大雪冷華燭。羊腸九折坂。千里忽在目。君行洵
苦辛。株守愈局促。安知此一遊。不遂展所蓄。握手
類貧交。欲贈鮮金玉。但將名賢訓。還爲遊子勗。拔
劍出門去。爲君醉醺醺。

卷五自序

此卷與汪孝廉杏江同舟北上時作也杏江挈眷省親而余以負米遠違膝下離思鬱結殆難爲懷四日後舟達鎮江杏江以酒澆之以詩引之以遊覽寬解之乃復稍稍自遣轉呆木爲狂而狂態且發爲詩迨過江至維揚江山之勝春景之妙與別離之緒身世之感交滙而出思如潮湧頃刻數章又以杏江勅敵在前間亦精心結構撰作意而成半月之間得五十餘首聚爲一冊自謂有見道處而於七律中寓含蓄不盡則更所謂偶然得之非意崇雅堂詩藁卷五自序

計所及者也時杏江亦成一卷命之曰同舟稿取同舟共濟之意今杏江以名魁入翰林

欽

差典試聲華爛然賢嗣文軒余及門也亦已館選而余猶潦倒若斯雲泥之判豈不遠哉然而當時雅懷勝抱及彼此諄諄情誼不可忘也故仍以同舟名之緣其始也

崇雅堂詩藁卷五

婁東朱璿元圃氏

同舟草

登舟二首示杏江

耐餐藜藿久荒村。底事蒼茫又出門。老母幾年頻
勸駕。孤舟一上便銷魂。臨時檢點羞囊橐。含淚丁
寧向弟昆。天下不才誰似我。飢寒無計戀晨昏。
匆匆挈伴竟揚舲。轉眼長亭復短亭。一意辭家緣
負米。同舟有客是趨庭。江山勝處杯常白。唱和詩
成眼共青。獨我思親無限意。重勞相慰涕先零。

崇雅堂詩藁卷五

曹蓮浦灌園圖小照

十年株守飽藜藿。一旦飢驅又京洛。曹郎折柳送
我行。翻然示我灌園樂。披圖三尺煙景佳。白雲籬
落生蘭芽。春露夜坼紅菜甲。光風日媚蒼苔花。幽
人意態獨閒散。簞笠蕉衫抱甕灌。豪傑從來種菜
多。丈人自昔忘機慣。長養萬物在及時。知君最重
根莖。滋彼肉食者。慎勿笑噉菽。還歡堂上慈。愧我
天涯浪奔走。倚閭人在難回首。安得負郭二頃田。
共爾烹菘剪春韭。

崇雅堂題曹雪園風雪訪琴圖小照

著意極高

亡頭語却言
外有味得古
臥三昧

范擘

揚州

同杏江遊二嚴菴

菴後有園內有水南軒種花處問菴所由名謂

取楞嚴華嚴求福求慧之意故名

五日維揚客思淹。水南山寺共幽瞻。種花圃暖苔千葉。調鶴欄開竹四檐。眼底衰榮隨地卜。古來福慧幾人兼。行踪已分天涯慣。苦向高僧問二嚴。

用意遠而筆道宕

揚州雜詩三首

豪欲無齊魯。奢真壓楚吳。繁華成結習。江海本通途。貿販魚鹽雜。衣冠甲第都。迂儒入城市。轉覺一身孤。

崇雅堂詩藁卷五

三

吹簫橋畔路。一帶是隋堤。士女心咸蕩。神仙夢亦迷。楊花顛上下。風燕逐高低。塵霧喧囂外。何人問竹西。

沈着英爽神似杜陵

官閣今何處。風臺孰更遊。人窮千物力。家創二林邱。曉騎通冠蓋。春筵豔舞謳。誰知何水部。千載擅揚州。

舟中月夜

晚泊邗溝煙樹涯。倚蓬遙睇客愁加。一天雲淨夜如水。前度月明人在家。隔岸山光籠淺霧。沿堤柳影暗歸鴉。不知今夕相思者。幾處露寒斗柄斜。

殿外之音味外之味

董仲舒祠

殘春作客正窮愁。董相祠堂幾度遊。師傳一官同賈誼。天人三策本春秋。諸王子弟驕能化。阿世公孫嫉似仇。至竟下帷元不負。功名何必定封侯。

春盡日舟次維揚作

幾日維揚棹。回頭感物華。含桃明客眼。柳絮拂行槎。帆與春俱杳。愁隨路並賒。聊傾婪尾汁。一醉廣陵花。

鮭魚

不生非老饕。魚亦我所欲。顧自出門來。志豈獨口

崇雅堂詩藁卷五

四

腹忽覺食指動。擊鮮果在目。三尺銀鱗鱗。躍然駭羣矚。此地競豪奢。投贈必倍鬻。昨聞送鹽官。兩尾一百六。此僅十六千。何異芻與菽。急呼善手烹。佐以鹽豉麴。堆盤燦銀花。未食氣已馥。迂儒事迂對。此轉額蹙食。云則食耳。慨焉念風俗。區區一烹鮮。厥價等於玉。他物若稱是。谿壑何饜足。人心無窮期。天道有倚伏。暴殄昔垂戒。窮奢恐非福。浩浩江河流。望望返淳朴。

陸所亭送至揚州話別

一棹君歸矣。連朝此共遊。附書應便達。送我轉增

題小而寓意極正大此種全似少陵

慎筆而爲一
神行工夫

到極至所
竟法之妙不
見句法者

恐握手頻南望傳言慰白頭
今日無夢遠先爾到東婁

維揚舟次用杜少陵蘇端薛復筵贈薛華

醉歌韵贈杏江

作詩論交俱有道傳世不在聲譽早流俗標榜盡
碌碌據拾字句真草草汪郎少年品出塵獨敞胸
襟向秋昊嗜痂有癖偏愛我日共花間話懷抱穿
穴今古緒獨抽評斷事跡虛能擣着筆温潤氣磅
礴島瘦郊寒愧枯槁十年前作長歌宿亭照毛羅
石華王庭光格最老我不量力與之敵後來者誰君

用前人韵如
已出顯氣磅

宗雅堂詩藁卷五

五

讀直追少陵

又好江東才人慣使才揆天有筆都壓倒文章豈
但一時事道義直湏千載保春光淡沲江上來同
舟日傾千杯得逢知己露肝胆浮雲世態烏有
哉縱令面目不相襲要使同異叅岑苔紛紛輕薄
何其良

歸夢

如義之二筆
書法絕倫

辭家纔十日鄉夢屢三更豈為風塵苦何關兒女
情青春拋視膳白髮念長征却喜歸覓便朝朝膝
下行

射陽湖

路出維揚煙樹昏。三州一氣水平吞。波光澹澹沿城角。雲氣蒼茫接海門。舟楫幸依防岸走。淮黃休更合流奔。夜闌聽得來船語。却恐驚鳥易斷魂。

淮上

淮黃千里接江流。一點孤城水上浮。忽憶源頭經積石。直從水底見揚州。河堤使者司空領。南國生靈

聖

主憂橫。巨長虹。三百丈。安瀾豈獨便。行舟

漂母墓

蕭瑟寒煙外人傳。漂母村。英雄方草莽。賞識過盤

六

崇雅堂詩藁卷五

殮。用僖負羈妻能却千金餽。方垂一飯恩。功成不遇晉公子。事能却千金餽。方垂一飯恩。功成不望報。作意教王孫。

讀力絕頂句
切有言外意

過淮安擬訪庭光及旦已達清江浦矣悵

然有作

韓信城邊第幾橋。故人踪跡夢常饒。停舟滿撥三更話。轉眼俄成萬里遙。海內心知偏易隔。天涯意氣爲誰驕。秋風應向金臺上。長望淮南日夜潮。

八載前曾此地逢。乙冬南歸于三年握手又婁中。

淮上遇庭光

庚秋庭光匆匆舊夢談。藏鹿兩兩窮愁哭。斷蓬今日故人遲。一面去年殘雪望歸蓬。去冬聞夜來恨。

浮天十字生
新壯瀾從無
入道得

煞東風急知向何時酒更同

秦郵月夜懷許洗瓢

湖月荒荒起孤舟客思遙浮天無定魄流影及
潮風色大江北詩人丁卯橋心知作遠別永夜

魂消

舟到清江浦見河水暴漲作

長淮北望浪雲昏萬古洪流一愴魂日向東南成
下注春來風雨又狂奔驚鳥徹夜遷廬舍飛馬沿
堤報水痕先事預防勞

睿慮諸公莫負

崇雅堂詩藁卷五

七

九重恩

杏江於舟中出示雙劍

險作延津合英光動客船蛟龍雙在握風雨忽長
天蝕土終須涿韜精莫浪宣干將吾亦寶誰望斗
牛邊

一起便全題
俱見三四豪
健空中有聲

桃源縣

嘉名喜共武陵傳雞犬人家土一垣但使春光常
在眼天涯何處不桃源

岸高草短夕陽銜土屋平沙野樹參過得黃河纔
半日風光幾許似江南

有身必有智。立身斯無虧。懷古想子房。擊秦博浪椎。一發不得中。脫身遊下邳。十日空大索。乃與黃石期。異時從入關。英謀罄所爲。旣遂報韓志。旋起辟穀思。功成允高蹈。豈真赤松隨。昨過淮陰城。慨焉令人悲。

漢時淵德公。曾作下邳守。經今代幾更。廟貌猶在否。當時重循吏。倏忽轉青綬。皇皇大司空。正色帝左右。一朝醉顏酖。天子動容叩。答云臣不飲。邳人或奠酒。不知何恩私。厥報乃生受。民情無古今。吏崇雅堂詩藁卷五

八

舟中讀杜詩適過南池

浣花詞賦夙心傾。水驛拈來味更精。葦里奔馳淹白帝。一生牢落念蒼生。逢時板蕩拋家室。絕代風騷見性情。掩卷蒼茫重懷古。南池花月感長征。

守牖漫成

昨過黃河來。水勢急如瀑。九十七名泉。交匯入兩瀆。下流日奔放。上流苦不足。一瀉無停瀾。船底慮石觸。

國賦盛東南。曷以挽芻粟。從來計久長。淵涵貴停

蓄左右石作門中乃截以木路經幾由旬厥插十五六程程插爲限插插水一束一插置一官役夫朝夜督一官管一插號令頗嚴肅前插不放船後船插外宿客初行水程自望守到朔鬱極乃得通既濟由大畜揚帆渡插去誰能久束縛會通河在南抵徐州達清河入淮北經臨清合衛入濟寧城南海其入漕之泉沂泗洸汶等共九十有七

濟寧同杏江登太白樓

太白曾來十日留四明山客盛航籌幾人詩酒堪千劫萬古風光獨此樓雲擁岱宗垂檻落天連濟水抱城流狂歌不盡登臨興更向南池橐筆遊

崇雅堂詩藁卷五

九

陳思王墓

路入東阿夕照黃道旁故壘弔陳王出羣才豈寶朋借去國心緣兄弟傷誰識懷湘符正則漫將賦宓宓高唐請聽馬頰波聲咽猶似吁嗟恨未忘地有

馬頰河子建集中有吁嗟篇

舟人子斃兩雀雛

萬物各有性至人貴咸若嗟彼二雀雛乃爲童稚攫何嘗不愛憐珍比鳳與鶴口日掌上擎飲啄以意度時搜草際虫餵飼惟恐却豈知彼羽族本志在林壑一自歸網羅用愛適用虐而況彼視人異

三四工切五
六更開生面

類。寧。願。託。亦。復。心。所。生。又。思。毛。羽。弱。遂。使。羈。繼。之。
一。逝。不。可。作。嗚。呼。物。雖。微。之。死。豈。云。樂。何。弗。縱。之。
去。翱。翔。任。寥。廓。

臨清弔謝茂秦

詞。伯。曾。傳。謝。四。溟。百。年。河。岳。此。鍾。英。風。塵。老。作。諸。
侯。客。韋。布。高。懸。國。史。名。奕。世。有。人。尋。馬。鬣。故。交。當。
日。負。雞。盟。漁。洋。漫。笑。秋。江。練。一。字。何。嘗。玷。一。生。

大風

夾。馬。營。西。起。夕。霍。平。河。落。日。大。風。哀。雲。遶。沙。石。掀。
蓬。下。水。面。魚。龍。跋。浪。來。陰。火。半。空。神。出。沒。孤。舟。中。
崇。雅。堂。詩。藁。卷。五
夜。客。徘徊。曉。來。試。向。沿。堤。望。拔。木。飛。茅。未。是。災。

東昌城下作

明。社。甫。一。傳。鴟。鴞。毀。其。室。假。託。靖。難。名。干。戈。起。倉。
卒。廟。堂。倚。齊。黃。謀。國。致。駝。峴。一。戰。炳。文。走。再。戰。瞿。
能。蹶。哀。哉。李。九。江。紛。紛。亂。旗。轍。誰。歟。此。嬰。城。獨。有。
尚。書。鐵。諭。降。則。竟。降。鐵。版。計。亦。烈。天。使。敵。倖。逃。攻。
圍。憤。益。切。大。書。高。皇。帝。高。標。挂。城。闕。乘。間。反。出。奇。
力。盡。戰。以。血。能。也。首。鼠。竄。玉。也。身。虺。裂。從。此。北。平。
師。東。道。永。梗。絕。若。使。徐。沛。交。亦。守。此。英。傑。巍。巍。石。
頭。城。焉。得。燕。飛。越。一。朝。事。既。去。之。死。誓。弗。屈。但。有。

此下字字未經入道

開合動盪一
句一轉雄渾
道鏖擲地有
聲

幾許情事以
十字達之服
其筆力之高

鼎。獲。身。更。無。北。面。骨。至。今。東。昌。城。行。人。揮。淚。述。回
首。唾。陳。瑛。同。時。作。蛇。蠍。

百靈鳥

舟。中。有。好。鳥。盡。日。鳴。春。風。既。已。號。百。靈。何。復。歸。樊
籠。管。啣。向。人。語。朝。朝。傍。孤。蓬。飲。啄。不。自。得。毛。羽。徒
爲。豐。原。其。受。羈。繼。迺。以。口。舌。工。始。知。天。下。理。知。巧
愛。物。攻。我。思。白。鷗。鳥。淡。然。江。海。中。

隱然有修詞
立誠意

滄州道中

麥。戶。城。西。晚。渡。遙。清。風。樓。畔。草。蕭。蕭。沿。途。景。物。富
言。眼。懷。古。心。情。問。野。樵。仲。武。文。章。辭。渤。海。陽。州。聲
景。雅。堂。詩。彙。卷。五

十一

望。起。中。條。前。人。出。處。今。人。感。又。向。津。門。候。早。潮。

陶然亭修楔和鮑中翰雅堂

經。旬。不。出。門。三。春。時。暮。矣。解。袂。及。良。辰。結。伴。從。知
已。修。亭。轟。高。原。聯。袂。坦。素。履。豁。達。塵。壘。表。曠。望。得
自。喜。城。根。草。色。芳。木。杪。山。光。起。閒。葩。坼。水。湄。鳴。雲
爛。階。祀。造。化。與。物。新。煩。襟。爲。子。洗。矧。茲。俗。外。交。各
展。口。陰。技。翰。墨。無。停。瀾。諧。談。俱。妙。理。高。詠。追。昔。徽
開。筵。倒。芳。醞。時。泰。景。益。妍。情。往。興。未。已。今。昔。世。則
逢。風。雅。道。相。企。緬。彼。永和。年。清。風。渺。如。此。

又卽席和韻

昔。珥。花。烟。上。口。餘。音。抽。塵。海。訪。禪。風。西。山。翠。染。維。
摩。個。北。極。雲。連。寶。閣。虛。名。士。半。歸。修。禊。約。窮。心。全。
當。不。祥。除。尊。前。莫。漫。增。惆。悵。容。我。胸。襟。對。客。舒。

題漁父圖

一。身。無。着。水。無。邊。蘆。荻。花。中。釣。晚。烟。無。意。得。魚。魚。
自。得。得。魚。不。賣。五。侯。錢。

上。名。并。不。因。辭。漢。忘。世。何。曾。學。釣。周。短。笛。卧。吹。江。
叶。月。露。華。零。落。水。東。流。

題乘槎圖

隨。意。飄。將。一。葉。舟。長。河。千。里。水。東。流。白。雲。天。外。忘。
崇。雅。堂。詩。藁。卷。五

士

機。客。何。必。張。騫。訪。女。牛。

踏。遍。紅。塵。誤。白。鷗。年。來。到。處。苦。勾。留。青。山。如。鳳。波。
如。鏡。我。欲。隨。君。汗。漫。遊。

姚少師影堂

獨。蒼。慚。魄。去。匆。匆。禪。影。空。花。尚。寺。東。中。允。封。章。除。
祀。典。祝。融。移。禍。到。興。隆。

曾經回祿延及興隆寺今移在崇國寺中

幻。附。維。摩。偈。骨。肉。羞。稱。靖。難。功。事。業。摠。歸。龍。象。數。
袈。裟。可。悔。換。三。公。

贈何數峰

濯。濯。丰。姿。果。出。塵。向。來。說。項。自。汪。倫。

注杏江中翰屢稱其品

神。無。餘。子。風。雨。煙。秋。怨。美。人。載。酒。高。吟。真。
逢花度曲洛陽春。數峯善曲新
編約金臺上許我平生面目真。從中州來蘇 據來

雨夜不寐

許春愁似亂絲。况堪夜雨惱情思。聽當燈昏微
消後。想見梨花欲墮時。燕市酒闌人已杳。江蘆
遠夢還遲。半生踪跡今宵味。慷慨無聊兩不支。

蒙諸公賜和再疊前韻

日如麻夜似絲。簷牙雲重壓春思。床頭老劍孤
山後。枕上荒雞促舞時。更判短長聽欲斷。氣分冷

清雅堂詩藁卷五

五

煖悟來遲。陰晴天意元無定。牢落心情強自支。
對景無聊撫鬢絲。披衣中夜費尋思。香消燈炧逢
今夕。雲淨天開定有時。一棹梁山魂渺渺。萬間廣
厦願遲遲。蒼茫懷古無窮感。慚愧崔駟枕上支。

題畫八首

秋月

冉冉瑤臺玉鑑清。露凝秋水彩雲輕。一聲元鶴催
羌管。三十六峯天外晴。

秋

秋花初綻露痕新。唧唧聲從瓦隙傳。卜夜夢回依

戶聽五更涼。晚畫堂前。

秋荷

時見欹斜葉。翠敷時于烟際。露花耐秋雲半卷。明霞淡裁。罷新詞。夢雲湖。

秋草

百卉經時漸。漸併相思。猶認舊芳菲。無情最是金蝴蝶。閱帶夕陽。低處飛。

秋蟬

雨餘時聽斷。聲流咽。露樓烟半是愁。就裡風光能感客。一痕鬢影。柳梢秋。

崇雅堂詩藁卷五

十四

秋雁

橫斜一字楚江流。會是隨陽更遠遊。淡歲江南聞水旱。不知何處稻梁謀。

秋柳

一枝兩枝疎影低。關情風色舊隋堤。畫師不解離人苦。更點寒鴉隊隊栖。

秋燕

雙剪梨花掠錦茵。畫梁曾占十分春。雲軒一返華胥夢。可吝憐才謝主人。

賣花聲和家竹均先生

禁烟門巷閒。錫簫小東筠。籃換市遙。燕地春傳。三月好。江南夢醒。一魂消。關心看是髻年。最清聽。知和雪艷飄。多少韶華。拚易盡。憑誰說與。價輕饒。

賦得魚燈

了。聚文魚一鑑。澄清輝。洞徹勝鰲燈。乍懸芳宴。疑燒尾。又似春風欲上冰。玳瑁光中時噴沫。琉璃影裡快飛騰。倘教化作虬龍去。還帶蟠螭玉燄昇。

吳子眷到移居屬作長歌醉後應之

八。空。不。能。及。時。捧。檄。似。毛。義。亦。當。一。雞。一。黍。衡。門。已。養。如。茅。容。何。爲。不。隱。又。不。仕。拋。家。日。走。紅。塵。中。

崇雅堂詩藁卷五

五

三千里外望親舍。恨不奮翼隨飛鴻。延陵公子忽大喜。自謂吾今計得矣。三年太華西。六載春明邸。欲留不得歸不能。傾囊倒篋翻然起。古人就養本無方。何地不堪潔滌滌。作書寄高堂。願母來

帝里。作書寄兄弟。沿途慎行李。作書寄山妻。姑心

事事體。出入謹扶持。予日金臺歧。一帆忽報津門

抵全家。離愁頃刻洗。昨來賃得三閒茅。又謂湫隘

兼塵囂。奉親務在適親意。新居別卜城南郊。室堂

及庭淨洒掃。擇吉貢乃鶯遷喬。黃蘗半甕酒數斗。

唐花幾本書盈輶。瑤琴古劍共一束。零磚碎甃餘

興酣落筆一

氣奔放却復

字字筋節步

步收束七言

神品

題法超峻

三挑潘輿一到堂之均兄弟趨出相扶邀中饋修潔
呈嘉肴稱觴上祝歌斯陶賓從雜沓羣呼招開筵
設燕樽豐交爲君作賀何其豪元圃見之忽大叫
我亦負米燕山道祿養未遂勞心慘循陔迨迨夢
增悼安得東風借一棹吳郎吳郎計特妙

唐花

違候亦能紅居然錦繡叢大都含蕊發全是借煤
烘驕竊陽春氣權分造化工所嗟無幾日一例委
春風

重陽前一日小飲

崇雅堂詩藁卷五

六

三載辭家客逢場意最真幸攜今夕酒徧是故鄉
人月影千山迥風光九日新望雲天北極憐我獨
思親諸公多永感惟瑤慈侍下是夕多談故鄉事

諸公見和疊前韻答之

偶爾逢常調諸公面目真共憐中歲客猶是半閒
人才大悲秋易杯酬和曲新多情惟舊雨日日願
相親

閏日又集再疊前韻

又作今宵會清言味益真好奇還說鬼多感莫談
人土孔關情舊是夜感念陸沁亭年華瞰眼新諸公能愛

我輩獨在下親

喜諸公賜顧再疊前韻

鶻迹長安道還憑樂事真詩書容大畜花月快同人節過陽春小歌翻白雪新是日初見雪消寒應有約

更許一杯親

張迂谿中翰辱和二章因再疊前韻答之

亦有張平子才多誼更真文章遲報共國踪跡尚依人撫髻潘愁迥攤書孔思新求賢方盛世莫

便白鷗親時迂谿有歸意

泪合從萍迹經時倍見真同事將一編聊絆客萬

身雅堂詩藁卷五

七

事肯輸人心竭蟲魚古愁爭草木新况堪當歲暮千里共思親

鐵吏部治亭先生見贈奉答二章

海內誰青眼平生太任真千秋容有我萬事不如人折節蒙深賞相知竟出塵撫心慚薄劣方學願從新

落落風塵外君真不世雄文章歸大雅品節邁羣

公論出義軒上交深道義中相持欣此日兩載夢

光通兩年前互相知重至此方獲一面

無裘勤

因人見重
轉思方學直
見人賢也

崑崙山人寒無裘忍寒十室長低頭忽然興來訪
親舊迎風戰雪城西遊單寒踟躕不自覺入門那
顧旁觀羞峩冠大服滿堂坐一見眙愕瞳雙眸太
原公子掩口笑齊嬰儉者亦訕尤或啞其領詆其
袖謔浪四起紛戈矛我生不解緼袍耻刻日且懼
寒威道歸來逕欲辦新製搜索獨奈空囊留有客
適自黃海至豐狐十襲藏輕綈慨然假我一狐腋
着體頓覺光華浮清晨試出耀儕輩氣概稍可黍
時流豈期物態亦善變以人例物真不侔明明黃
黃千金服指顧認作羶羊鞵締視咄咄更稱怪締
崇雅堂詩藁卷五

六

袍毋乃資朋儔余笑而起謂誠是若非假者將何
求相如驢驢典已盡阮咸犢鼻難爲謀粗布單衣
適至肝長歌不寄南山牛狂來偏有白傳願與君
笑真書囚

八闌被跌

本似挨身濁混中誰憐跨下是英雄呼號援手憐
頑僕頃刻飛魂八太空敢道撐腸多萬卷倘經折
臂轉三公天教蹶起超塵立尙欲承歡返海東

與戴徵君東原連日夜話却成

滾滾風塵中披豁見知己把臂同人林互語何時

已想出羲軒前道。追天地始放。言極古今。割論驚
神。九變喜復貫。不覺五更矣。來朝請更端。日華
意上起。

君本古長者。我亦耿介士。相與稱合併。德隣良有
以。出門見羣鷺。往往口不理。絕勝不可居。忌心轉
此起。松栢蚍蜉撼。鳳凰凡鳥比。嗟嗟勿復言。吾道
固如此。

君修水經注。我昔參易理。相與出奇疑。賞晰欣未
已。得心如竒珍。創獲古無比。洞達互欣然。評斷各
虛已。君今進

崇雅堂詩藁卷五

九

廟堂積學乘時起。吾獨守名山。此事聊爾爾。茫茫宇
宙間。千秋留片紙。

至日

天意將回萬象新。長安羈客思紛紛。一經亞歲憐
中歲。三度書雲獨望雲。日馭影初移。北陸梅花香
已報。東君待看景物隨陽轉。李母堂前賜酒醺。

冬夜

彤影無聊看此身。孤燈兀坐倍傷神。風沙劈面耶
榆鬼。土室低頭駝髀人。湖畔幾時飛赤玉。帳頭終
夜泣青鱗。轆轤百尺懸枯井。輪與歸心起渴塵。

牙。寒。催。與。凍。文。人。嗚。咽。悔。舊。吞。儼。自。熬。燈。分。
不。照。誰。噓。黍。谷。變。微。溫。垂。魚。幻。作。儒。冠。蠹。風。雪。能。
肯。歲。暮。魂。守。拙。未。能。緣。巧。誤。眼。開。真。欲。破。沙。盆。

古意

狐。腋。市。炎。州。雖。貴。非。所。用。黃。黃。持。示。人。不。如。一。嫌。

重

來。時。飢。渴。親。去。時。草。莽。棄。本。非。知。音。人。變。幻。何。足。

異

我。心。非。爾。心。爾。面。非。吾。面。相。見。不。相。知。何。如。不。相。

見

崇雅堂詩藁卷五

二

唱。媚。常。得。意。正。直。常。招。嫌。閉。門。謝。塵。軌。幽。獨。能。安。

倍

古意

卷六自序

余自癸巳入都風塵勞瘁後詩興頓減明年遇

朝廷開四庫館王文莊座師爲蒼要總裁屬璿代爲

校對任大責重獨力支持又經璿校過卽裝訂進

呈

御覽因是益加謹慎自午春至未冬始得告辭差幸

無過兩年中所校千五六百本其間原本之訛謄

寫之誤悉心考覈日不暇給一切閑情逸致殆消

歸烏有矣間有友朋酬答落落數章已附前卷之

末此卷自丙申春恭遇

崇雅堂詩藁卷六自序

一

朝廷平定兩金川

皇上東巡廻鑾

召試天津一時竒才良友輻輳都下牽率同行因而

故興復萌時增篇什及秋補館

景山課徒事煩則又未克多作矣四五年間僅得

二卷而又被竊去一卷故所錄止此然自丁未以

後離家日久思親念切每一握管觸緒紛來愁苦

之音正復少之爲貴耳

崇雅堂詩藁卷六

江東朱璿元圃氏

京遊草

元日試筆

爆竹聲傳萬戶春。當軒紅口對元辰。三千里外思家客。四十年來好學身。雞肋生涯盤菜薄。馬蹄歲月鬢霜新。名心今更從頭熱。長倚門廬有老親。

元旦次周小泉先生韻

天涯風景歲頻添。自判生涯不問巖。萬口才名虛篆刻。十年情味厭蘼鹽。山林朝市吾誰託。富貴聰

崇雅堂詩藁卷六

一

明世孰兼柏。洒風光如故土。曹騰一醉亦何嫌。

賦得歸而飲至

津門寓齋吳竹橋江劍潭黃仲則何素峯同賦

大將西征捷鯨鯢。掃穴巢揚威清絕。徽振旅返神

郊。

天。子臨軒。受羣臣獻。馘交策勳咨幕府。

賞宴出仙庖。凱樂迎風奏。旌旗映日拍。櫻桃新乍

薦。枳杜韻重敲。軍實行餘數。干戈看已包。從茲兵

永洗無事羨蒲梢。

進

華作藝健絕
必陵

呈

江東朱璿元圃氏

平定兩金川大功告成恭紀雅三篇謹序

國家區宇函宇。率土怙冒。百數十年間。自前代之所不贊。古聖之所不臣。罔弗懷賚奉琛。嚮風恐後。

皇上睿聖文武繼

列祖之緒。平定西陲。拓疆二萬餘里。豐功駿烈。昭示無

極。兩金川以蜀徼土司。恃險逞逆。乾隆十有三年

王師深入。窮蹙請命。

皇上赦而弗誅。與之更始。近年以來。復與諸土司搆

釁。其酋索諾木狂悖日甚。偕僧格桑朋比爲奸。稱

兵抗拒。

崇雅堂詩藁卷六

二

皇赫斯怒。聲罪改討。鋪敦雲棧。金鼓照耀。連克資哩

卡了諸寨。遂破美諾。趙拉全境。悉平。於是移兵促

浸。士氣百倍。常山率然。首尾俱應。所過崇碉疊礮。

批亢擣虛。無弗迎刃自解。其扼遜克爾宗也。將士

一心。據險奪隘。賊酋讐慄。魂褫胆喪。由是進克勒

烏圍。酋首竄迹。旋入科布曲。破雍中寺。賊勢大蹙。

鼯鼠之長。窮于五枝。狡兔之走。止于三窟矣。我軍

旣抵噶喇依。圍以三匝。罪人斯得。獻于

闕下。厥功葳焉。

皇儀震疊於爍曩。山川神祇導豫。訢合。

皇上乃奉

大安輦東巡登

岱宗祇迓

慈輦遂道平鄉臻忠阜告成

闕里禮也

廻鑿于郊

親勞凱旋將士歌杖杜之詩以慰勤苦遂

御午門受俘告

廟社率羣臣恭上

皇太后徽號給復赦罪進爵有差百禮備具慶澤敷洽

崇雅堂詩藁卷六

麗鴻駿備超踰萬紀臣謹竭鄙誠擬平定兩金川

雅三篇異稍揚述

武功之盛拜手稽首以獻

釁氛息武功所由始也

皇帝德大文武聖神涵育萬類克寬克仁其有不率

九伐以伸昔準回部毒我邊民

帝仁智勇

祖考聿遵

皇威震疊拓地無垠一章藐茲金川有兩饜餐西南

之荒同類比穴溯厥首戎促浸罪烈亦惟肆

爲讒譎誕作不靖終焉殞滅。二章厥初歲戊辰鼠
以私競警我邊圉。違我詰令。聖我懲四代萬國
谷相臣恒聲義以正我武維揚。彼窮乞命。三章

帝符兩大矜其愚昏網開一面赦厥游魂其強者以

戢其弱者以存勿剪勿絕謂知感恩。四章蠢此梟

獍不義崇慝瀆姓棄倫求爾姻特卵育旣繁恃黨

旣植匪聖恩是戴覆用爲賊。五章維賊如何叢奸積穢昔也

聖觸與蠻今也狼以狽侵鄰肆侮寇攘及內曰搶維

州妖謠誕悖告頑舍罟不可化誨。六章

崇雅堂詩藁卷六

帝不得已謂非加以師實此反覆其誰化之狃于姑

息叢蔓其滋庶克斬又惠此蠻司惠此蠻司惠我

邊黎。七章我師旣出徼邑用綏矢無遺鏃莫敢或

違旣入巴朗拉行復達圍以及資哩如風掃籬進

無兼旬至于美諾。八章美諾之圍彼窮以蹙彼黠

者遁我攘我逐彼跳者強我殄我戮彼失其巢罷

竄猶以縛連屯僻寨傳檄以服。九章維此趙拉賈

禍自傾蠻花峒草雨露載生懿

聖天子赫赫明明外攘內謐讒聖奸懲四方萬國誰

敢不誠。十章

官寨掃賊之要地諸將受

聖策破之武功將成也

師移從侵。曰惟罪首。狼卡遺孽。叢惡累咎。肉視其鄰。夙約敢負。有免斯竄。為遁逃之藪。不惟賊是獻。而賊是偶。一章我師是問。隨扼其疆。彼有知覺。伏罪弗遑。詎茲醜類。乃抗顏行。以獸腋獸。恣其狺狺。二章我師乃進。鑿山湮谷。昔嶺巍巍。采入經速。逆罔悔罪。鴟張豕觸。距踢躍跟。含沙逞毒。三章

皇帝曰咨。

天用勦絕其命。我其可不大誠撫于時。爾諸臣其克

崇雅堂詩藁卷六

五

用又肆其靖之。四章爰

命臣桂汝倅用誅。汝統勁旅。元惡務除。

帝命臣亮汝副桂以濟言壁其南。無俾越算。

命臣昇額常偕叅贊臣常汝為犄角于翊于襄。五桂等

拜受命。克勤以忠。我師如雨。如羆如熊。風馳電掣。震川陸以攻。或長驅以濟。或捷徑以通。或躡其後。或擣其中。六章賊用不諱。蚊負螳拒。謂險可憑。氣

懾內沮。我師益奮。靡堅不舉。箕張翼舒。三路就聚。

泊于官寨。合圍以取。七章官寨岩岩。重礪疊窠。彼

隅以負。我悉銳以抄。官寨沟沟。彼戶彼巢。我師雷

馮無敢守爾郊。八章彼聚而熾。我徂斯邁。男婦崩殘。喘是勾惟。

天子神明見萬里之外。保大定功。流聲萬載。九章

促浸平武功大成也

金川莽莽。曷為永圖。非殄絕之。逆罪其逋。矧蹙其疆。既撤其郭。蚋尚決皆。安知厥辜。一章

皇帝曰。嘻。彼惟蛇虺。不滅不止。我將士用命。殲厥巨魁。一勞永逸。厥功懋哉。一章

誠我師徒。厲我霜刃。

敬秉

睿謨。謀定而進。洋洋者旂。堂堂者陣。進無堅。退無

崇雅堂詩藁卷六

六

遺覺。收彼餘燼。當我蹂躪。三章維將士鷹揚。振旅

闐闐。左擣其虛。右攻其心。踣砮趾卡。奪要爭先。前

茅後勁。會于中權。四章維噶喇依。彼狡之竇。掃其

腹心。鋒合勢奏。轟雷一震。因獸莫鬪。五章時維春

風。陌上草薰。山開霧霽。柳綠花芬。將軍露布。捷音

以

聞紅旗一颭。萬物欣欣。六章

帝謂我民。亦云勞苦。軍所過處。其急循拊。寬賊一方。

行及率士。

帝謂將士。疆場奮努。載橐爾弓。各歸爾部。論賞酬庸。

列爵維五。七章乃奉。

安輿。至於

岱宗。敬迓

慈輦。祇祇雍雍。爰詣

闕里。在泮獻功。順時諏吉。

徽冊是崇。

八章

帝勞於郊。醜獲訊執。告成

宗廟。典禮備飭。逖聽羅觀。歡騰手額。祝我

聖躬。永綏萬國。九章

帝謂羣臣。輔予一人。自今伊始。偃武修文。賢推俊拔。

崇雅堂詩藁卷六

七

治理上臻。太和翔洽。愷澤長新。錫極保極。億萬千

春。十章

與楊檢菴同年王逸軒世長話西湖之勝

最是西湖勝。曾遊已廿年。燈前同話舊。酒半欲成

仙。風月虛尋約。湖山感夙緣。倘知身世悞。悔不早

林泉。

新燕

幾日窩邊望。俄然羽翼齊。試飛珠幕外。學語畫樓

西。抄水身猶怯。衝花路易迷。也知生長地。常認故

巢棲。

題桃源圖

村爛桃花山橫種花處花落板橋南雞鳴上桑
樹隔岸三五家何年此遐寓閑來託桑麻就中論
嫁娶安識世代遙但覺烟霞趣人生自有涯風塵
懷百慮歲月不貸人春光霍然去誰歟倩徐熙繪
此花中住

有好奔競而不信命數者詩以曉之

道化豈茫昧世俗何悠悠明明有至理斥言等浮
游役役名利中實為受惑由初嗜若甘味漸頡逾
喜羞偶爾不適口傾身事營謀誠耻為命縛轉欲
崇雅堂詩藁卷六

八

與命仇本性一以失淫心日狂流亦或偶有得遂
謂力所求豈知一飲食皆與理數侔人生有性命
冠帶非冰猴我思古聖賢知命故不憂一通天地
心妄念將何投

毛宿亭約論詩卽席和吳蠡濤內翰題宿

亭詩稿原韻四章

眼中吾老久長歎太始元音孰更彈北郭舊遊聯

雅集南皮高會起衰殘無多客盡才如海是席止三人

絕妙詞都氣若蘭聞到風騷除偽體要將真色後

人看

卷之六

見齋濤

各有文

延陵自昔擅雄風。行卷紛披氣若虹。詩稿章驚海內敢誰烟。月笑江東蘇黃派別篇。空富郊島情深骨未豐。大雅獨持綸閣地。只應敵手是毛公。

牢落風塵首重回。向來壇坫半荒苔。書陸雪王石

華金蓋竹諸公。西河拓手捺椽筆。白雪孤吟八鳳

臺。當值郎今逢競爽。餘灰真欲打成堆。登塲我昔

慚邾鄆。亦許班門弄斧來。

鑿險追幽得句便。是中甘苦問誰憐。十年放論歸

嗒然。一世相知是夙緣。緩步從容名教地。舉頭尺

只大羅天。請從公等泰。真覺不學諸方五味禪。

崇雅堂詩藁卷六

九

豐臺芍藥歌

京師芍藥天下最。豐臺之名更獨貴。幾年滯跡不

一遊。日夜花光勞夢寐。今朝鼓興約良友。微輿雇

馬氣特銳。中途笑語不外花。意想千花萬花萃。曉

承露液含日華。定見雲烝復霞蔚。挹之不盡無可

奈。逕謀沽酒花下醉。須臾路轉灣復斜。前往更欲

舒金轡。野人指點卽此是。展眼一片葉交翠。嗅之

不香舞不媚。茫無片紅更留穗。乘興而來敗而退。

衆或啞笑或詭譎。惟有老夫無滯累。物理往往見

深遠。世間萬事無定形。名寔不符多此類。况復一

奔放中用無
教曲折讓此

公獨步

朝風雨。狂縱使。叢花亦憔悴。君不見野卉爛。燭曲
徑多。算枝附葉。紛交柯。有花不香。又奈何。

病中示黃仲則

重重愁緒。畏春蠶。問染微疴。倍不堪。三日眠餐。如
夢裡。一天風雨。憶江南。繙書差覺。心情懶。對客勸
嫌笑。語貪。禪榻髻絲消。永晷高歌。那復倚霜鍾。

牢落天涯。歎滯滯。倦來兼為薄寒侵。輕生敢試青

囊祕。弱體全關白髮心。時有勸子延醫者肯惜春殘終廢

酒為催愁去。且微吟。飛騰故興吾猶在。乍可還須

叔度尋。是日小愈出訪仲則

崇雅堂詩藁卷六

喜張天倪孖弟來率成

十

語語真率五律到極處

見爾真狂喜。相違已六秋。諸艱同徧歷。好學復可
愁。骨肉相關少。詩書用力求。孤子更早萬事此
身留。

送周璞山先生赴鳳陽教授

古誼今如夢。何期見此翁。氣和終自介。官冷不知
窮。到處貪為善。存心本大公。鱣堂非宦海。此去道

彌崇。

弱歲掄科第。中年重牧民。一官淹白首。萬里走陽
春。與俗難違素。無瑕剩此身。文翁今教授。吾道轉

能伸

俯首看人海。公直第一流。不移元結守。肯作鄭虔
愁。直爲貧而仕。非闕世有求。欲東瞻馬首。爽氣自
新秋。

已恨相知晚。那堪離緒攢。愛公常款懇。知我到艱
難。別後情誰訴。書來夢稍安。三千里外望。珍重勸
加餐。

舊作一卷被竊去慨然有作

曰來贈詩與人如害人。不意復有竊詩者。腐儒識
見故自迂。頃刻魂飛胆落也。平生本來無一長。搜
崇雅堂詩藁卷六

上

肥法便寄突

一意直下却
後千曲萬折
河處更有敵
手

寡持滿一發經世文。筆頗有神恣揮洒。命官磨蝎
奈我慳。轉輾挫抑遭顛簸。心精結撰不值錢。紙上
是非久相左。時乎抑塞寄短吟。餘事更欲追風雅。
寄意風雲月露外。不屑漢魏晉唐下。吟壇塵鬪二
十年。近日逢場復如啞。江郎豈真才已窮。減却瑕
疵較爲妥。惟茲一二自昔存。積久成編親繕寫。中
有千愁更萬愁。筌蹄未忍便輕捨。一朝似失曾玉
弓。四顧茫茫測誠叵。行人得牛邑人災。兒笞僕詈
終無那。嗚呼此風近莫窮。蝸角蠅頭憤叢夥。欲心

離合變化忽
縱忽極極才
人之能事

尖一卷而得
一章亦足千
古

一肆廉恥消。竊及詩卷真。微瑣獨計滿。卷非烟雲
字。字。句句中有我爾焉。用此取之。去展卷終當付
之火。縱然事極微乎。微不問而取大。不可嗚呼若
輩。近來無一可。

上巳日小集

四載辭家客。三逢修禊辰。江南同此日。燕市又殘
春。花意催芳宴。風光艷古人。不祥堪蚤被。最是曲

江濱

幾處錢龍宴。人傳到水濱。風流無逸少。蠻語有參
軍。輿從喧朝日。歡呼徹彩雲。握蘭邀倦客。愧乏永

崇雅堂詩藁卷六

七

和文

自有吾徒在。何誇冠蓋榮。偶然成雅集。亦足暢幽
情。今古歸談笑。煙霞入品評。三蕉欣解渴。勝是洛

鵬清

寄居僧舍

身本如萍葉。何方不易居。一枝僧舍榻。萬卷靜中
書。地僻延清靄。窓秋澹碧虛。迴頭塵霧裡。胸次暫
能舒。

賦得清簾疎簾看奕棋

竹槐深遼蔭。疎簾箱篋雲。披翠影添。閑凭南窓念

永日。可。依。秋。野。看。消。炎。鷄。羣。得。失。當。場。悟。蝸。角。誰。
雄。袖。手。恬。機。事。機。心。全。已。澹。此。間。却。稱。老。夫。浩。

七夕

人。言。牛。女。會。今。朝。渺。渺。銀。河。駕。鵲。橋。誰。爲。星。辰。誣。
此。說。轉。教。容。况。更。無。聊。親。闈。巧。果。盤。誰。奉。天。未。陰。
雲。雨。未。消。欲。向。西。山。倩。明。月。髻。絲。禪。榻。話。長。宵。

秋花

平原草短白榆愁。的的榮敷滿徑幽。曾向顛風漸
媚景。獨承清露艷。高秋芳苞終勝丹楓麗。香氣知
從皓月流。回首莫嫌開已晚。芙蓉猶自滯江頭。

崇雅堂詩藁卷六

三

明春岩孝廉雙鬟伴讀圖

圖在江南失去
有友于市中見

而贖

白雲明月擁書函。坐對名花祕笈探。想見東山正
年少。風流傳遍大江南。

雙珠一化彩雲輕。往事淒涼夢不成。檢點畫圖重
感舊。傷心豈獨爲多情。

明春岩柳陰垂釣圖

不釣鱸。淞不釣名。軟竿閒趁淥波平。濠梁勝致潰
溪流。早向滄江濯性情。

小劫匆匆萬事非。江干猶認釣魚磯。一縑轉爲珠

一氣直下翻
去俗說作
筆力

還日添得冷衣滿衣

李畏吾比部來京旋有歸意諸友喜而有

詩因亦和之且用以自感也

君宿亭先生云元圃作此詩聲淚俱下至性人自道响次幾不自知為吟詩也周小泉先生云此詩或言似李或似白俾或言似西洲曲吾謂從性情中與淚俱出直是元圃之詩其用

崇雅堂詩藁卷六

齒

載餘與君共歸槎

題養靜圖

綠樹遶几榻白雲時往還開軒望天宇獨立小人

寰閔極理殘帙興來吟好山此中允高蹈神往畫

圖間

春岩以社中諸詩屬閱因亦次題率成數

章

憶芙蓉

江水渺千里秋光江上賒美人不可見何處寄瑤
華昨夢片帆去長天起暮霞臨風無限意攬遍錦

緜寫憶字味在言外青蓮妙語

筆含蓄吞吐血從三百篇得來

溪花叢中有錦溪向
時偏種芙蓉

墨花

秀拔松煙出姿參竹露勺芳華長傍石開落不關
春有色侵池水無香到俗人拈來逢巨手終古艷

常新

楓葉

故嫌蕭瑟是西風特染郊原幾樹楓一破山光連
霧碧閎翻晴景閃霞紅燕臺秋廻新霜落易水天
高夕照融有客望雲頻到眼吳江煙景夢魂通

寒衣

崇雅堂詩藁卷六

十五

月深寒朔吹驅萬家刀尺遍相需霜摧雪斂天
時合褐短裘輕物態殊典酒馬脚情最苦憐交須
賈望誰紆單衣不用歌牛角慷慨關前有棄繻天

寒漏

最是愁人數漏訐殘冬獨夜又他鄉風沉雞唱霜
天肅水轉蓮花雪苑長千里羈心隨起伏一聲歸
雁共蒼涼梁山客况今宵似滴盡銅壺淚未央

晚望

禪榻蕭條坐晚幽長天極目暗雲稠稻梁鴻雁三
秋感風雨鴟鴞萬里愁登下所心草菜館夢中孤

丁切絕倫胸
次定不猶人

棹大江流倚門應亦淒涼望捧檄何年慰白頭

誤跌傷胸

盡日蒼皇雪徑過水坡一蹶奈胸何本嫌落落襟
懷濶誰惜離離躔宿羅肩背有時人盡失膏肓無
恙興仍多并將硯石全消却贏得朝朝酒滿螺

以酒藥餽

次宿亭題秋林送別圖韻送周白於赴曹

南

滿空山色赴離愁故寫秋光送遠遊同是秋風失
意客可憐人處不關秋

崇雅堂詩藁卷六

十六

客中送客易添愁我亦天涯六載遊羨爾揚鞭

京去曹南猶是異鄉秋

春朝

鹿鹿終年馬足塵天涯風景又逢春陽過厄紐三
分泰歲歷京華八度新良友有招能愛客嬌兒隨
膝倍思親草堂此日辛盤奉可否山妻慰遠人

青花硯銘

戊戌秋有客持是硯求售者其宿

旁寸許見石撫之甚細乃買之歸磨洗兩
日夜始見真面目其色蕉白青花
所稱犀紋彪紋者也一時親明求觀玩者
門如市并有出重價求購者余以硯之
沉抑不知幾何時而遇子始得之也抑
嘆乎物之可寶如硯而終不得一者世

畏不知凡幾也乃斬而藏之且銘之以爲硯慶遭際云

質而文。溫而理。含精孕華。青花徧體。是謂君子。闇然日章。寶而用之。文德永昌。

晦有日。顯有時。不遇知己。其誰顯之。鬱極乃發。光華若斯。願與天下後世共珍惜之。

遇練川毛海客話舊卽成

忽地相逢是故人。廿年離緒話酸辛。搜殘萬卷成何事。遊徧諸侯老此身。夢裡窮通拚是假。鏡中形狀認誰真。只餘一事堪軒笑。各有文章泣鬼神。

蔡邕故里 豫遊草一卷至玉峯爲河伯所攫此首曾刻杞縣志中因得抄

崇雅堂詩藁卷六

七

錄附

中。郎。故。里。莽。蒿。萊。雲。到。圍。城。鬱。不。開。讜。奏。早。能。陳。
七。事。榮。名。終。悔。歷。三。臺。私。恩。漫。感。王。公。座。曠。代。誰。
憐。漢。史。才。潦。倒。一。生。忠。孝。意。至。今。遺。跡。尙。堪。哀。

憐之惜之愛之重之全神送靈不可以途字逐句解之

沉鬱真摯



崇雅堂詩藁 下

簪花閣遺
稿 一平